

Z c
3625



OK. 254, 21

IV, 401.

M

H



OK. 254.

112, 401

ELOGIVM
M. JOANNIS GODOFREDI
LESCHNERTI

HISTORIOGRAPHI QVONDAM SAXO-GOTHANI, AT-
QVE PROFESSORIS EIVSDEM GYMNASII CLARISSIMI BIBLIOTHECA
SVA POST VITAM SVPERSTITUTE
SCHOLAM LVCCAVIENSEM

EGREGIE ORNANTIS
PVBLICE PROPONIT

ET
PATRONOS AC LITERARVM FAVTORES
AD ORATIONES

EIVS
MEMORIAE SACRAS

Ips. Idib. Februar.

A. O. R. clb l3 cc LVI.

BENEVOLE AVDIENDAS

DEMISSE AC PEROFFICIOSE INVITAT
GOTTLOB HENRICVS SCHMERBAVCH R.

LVB BENAE
TYPIS JOHANNIS MICHAELIS DRIMELII.



OK 22

ELOGIUM
M. JOHANNIS GODOFRIDI
LESSCHNERI

HISTORICUM VITAE
AUCTORIS
SCHOLAE FACULTATIS
PHYSICAE
PRAESIDENTIS

PATRONOS AC LITERARUM FAVOROS
AD ORATIONES

MEMORIAE SACRAE
A. O. S. de b. c. c. l. x. v. i. i.

REVERENDISSIMIS
PATRONIS AC LITERARUM FAVOROS
GOTTSCHEWII, HENCKS, SCHMIDTKE, VON
L. B. B. E. N. E.
TYPIS JOHANNIS MICHAELIS DUMMLER.



spe
por
liter
om
ci:
stuc
reli
ma





Q. D. B. V.



Insignis est utilitas, quae ex Bibliotheca, usibus publicis scholasticis, dicata in scholas, siue docentes, siue discentes, spectes, redundat, * qua de causa, ab antiquissimis temporibus, ut scholae istis instruerentur, operam dederunt, literarum statores. ** Fecerunt hoc, et nisi me fallunt omnia, primi fecerunt Aegyptii: Hos imitati sunt Graeci: Graecos, prout in reliquis, quae ad augenda literarum studia faciunt, Romani: Romanos, reliquas praetereo ac relinquo gentes, veteres Germani. Variam quidem Germanorum Bibliothecae scholasticae, in coenobiorum claustris

A

-
- * M. CHRISTIAN GOTTLOB KAENDLERS Rector. Sangerh. Abhandlung von Schul-Bibliotheken Lipf. 1737. Sect. II. §. 2.
** FALSTER de uariarum gentium Bibliothecis Scholast. Fleuslb. et Lipf. 1720.

stris asseruatae, in summa mediū, quod uocatur, aeni, barbarie, subierunt fortunam. Quasdam belli flamma uastauit, nonnullas hostium rapinae distraxerunt, alias aquarum eluuiōnes corruperunt, aliae, alia ratione, sunt dissipatae. * Verum cum doctrina elegantior, quinto decimo seculo, in Europa, restitueretur, et, non ita multo post, sacra restaurarentur, exstructae sunt scholae, quarum celebriores Bibliothecis sunt ornatae. Communibus quasi studiis, nouaque liberalitate, certare, Musarum Patroni, uidebantur, praesertim cum, et Sacrorum, et literarum humaniorum, restaurator, Diuus LUTHERUS, omnibus Scholarum Patronis, ut illas Bibliothecis perficerent, auctor existeret atque suasor. ** Est hac in re Dei, summi

* GODOFREDI HECHTI, huius olim Lycei Rectoris longe meritissimi *Germania sacra et literata*. Vitemb. clodcccxvii. Part. II. Libr. IV. c. IX. et multis alijs in locis.

** JO. HENRIC. von SEELEN, *Lutherus de scholis optime meritus*, siue, de praeclaris rebus, quibus Lutherus Scholas ornauit. Flensburgi A. d. b. cc. xvi. Accedit Consilium B. LUTHERI de Bibliothecis in gratiam scholarum erigendis, ex Tom. II. Altenb. p. 804. seqv. in der treuherzigen Vermahnung an die Burgermeister und Rathsherrn aller Staedte deutsches Landes, daß sie Christliche Schulen aufrichten und halten sollen. De Bibliothecis scholasticis, quae dixit, uariis licet in scriptis iam reperiantur, adiuuimus. *Erstlich sollte die heilige Schrift, beyde auf lateinisch, griegisch, Ebraeisch, und deutsch, und ob sie noch in mehr Sprachen waere, darinnen seyn. Darnach die besten Ausleger, und die Aeltesten, beyde Griegisch, Ebraeisch und Lateinisch, wo ich sie finden koennte. Darnach solche Bücher, die zu denen Sprachen zu lernen dienen, als die Poeten und Oratores nicht angesehen, ob sie Heyden, oder Christen, waeren, griegisch, oder lateinisch. Denn aus solchen muß man die Grammatic lernen. Darnach sollen seyn die Bücher von denen*

mi scholarum statōris, ac conferuatoris, prouidentia, omni,
gloria, et praedicatione, efferenda. Eius enim beneficio,
ac munere, scholasticae bibliothecae, partim ab exiguis
profectae initiis, liberalitate literarum fautorum, ad bene
merendum propensiorum, redditae sunt locupletiores,
partim in haud paucis scholis nouae, legatis pie factis, sunt
conditae. Eum quoque in finem hoc benefici Patroni sem-
per egerunt, ut, ad posterorum commoda, iuuentutis,
bene educandae, rationem haberent.

Scholis his, Bibliotheca publica gaudentibus, di-
uina nunc bonitate, nostra annumeratur. Nam Praenobi-
lissimus, Amplissimus atque Praeclarissimus Vir, JOAN-
NES GODOFREDVS LESCHNERTVS. S. S. Theo-
logiae Candidatus, atque LL. AA. Magister, Ordini phi-
losophico Vittebergenti quondam Adiuuctus, postea in il-
lustri Gymnasio Gothano Professor Classis selectae optime
meritus, ac tandem Principis serenissimi Gothani Historio-
graphus celeberrimus, in testamenti tabulis Lyceum no-
strum perbenigne respexit, suamque illi Bibliothecam li-
beraliter legauit. Est religiosum et solemne pietatis, gra-
tiae animi, genus, quod bene meritorum memoriam
sanctam conferuat, et ad omnes posteros inuiolatam. Haec
religio et pietas nos quoque excitat, ut VIRI huius, im-
mortaliter de Schola nostra meriti, non Luccauiae solum,
quae eius olim fuit alitrix, renouemus memoriam, sed
publico etiam, perinde ac fieri par est, monumento, con-
secremus. Par quidem tantae uirtuti, tantaeque liberali-
tati, nostrum non erit elogium, nec meritorum magnitu-
dini

A 3

*denen freyen Künsten, und sonst von allen andern Künsten -
Mit den fürnehmsten aber sollten seyn die Chronicken und Hi-
storien, wasserley Sprachen man haben kömte, denn dieselben
wunder nütze sind, der Weltlauf zu erkennen und zu regie-
ren, ja auch Gottes Wunder uud Werck zu sehen.*

ini verba respondebunt, pie tamen ac religiose, quae de
uita * ac meritis Eius in rem publicam literariam nobis in-
notuerunt, exponemus.

Hic itaque LESCHNERTVS natus est optimis pa-
rentibus, Anno instauratae, a Christo, Salutis, mille-
mo sexcentesimo octogesimo primo Prid. Calendas Decemb.
Dahma, quam ortu suo illustravit, hunc sibi uendicat,
ac eo loco numeroque habet, ut talem, orbi literato, ui-
rum genuisse, gaudeat, uehementerque laetetur. Patre
usus est, IOANNE IACOBO LESCHNERO, Scho-
lae Dahmensis Rectore, qui pietatis, honestatis ac dili-
gentiae, in pube scholasticam cognitae, uirtutibus, me-
moriam sui commendauit. Matrem habuit ANNAM
CHRISTINAM, quam Lucina fecerat, BEICHIAM. Est
Dei immortalis magnum beneficium, nasci a parentibus
honestis, maius uero illos habere, qui ipsi prima pietatis
ae uirtutis rudimenta tenellae aetati instillare, ac illam ar-
tium liberalium perdiscendarum ardore possint incendere.
Edoctrurus hoc ipsum, omnis ingenii, et doctrinae prin-
ceps, Plato, Permagi, inquit, interest, ita pueros institui, in
primis a parentibus, quo in bonis rebus delectationem capere assue-
scant. Alias enim esca, qua ad malum inuitantur, est uoluptas.
Hunc primum studiorum humanitatis gustum, quo puri-
orem, ex paterna institutione, habere potuisset, Noster
JOANNES GODOFREDVS, eo flebilius illi accidit, ut
quartum agens aetatis annum, patrem, ad sepulchrum ef-
ferri, magis sentiret, quam intelligeret, cuius sane prae-
matura mors, nemini potuit intemptiuor euenire, quam
huic, et fratri minimo natu, puero, in cunis adhuc, uagien-

* Breuiter Imaginem uitae Eius expressit Dn. D. CHRISTIAN
GOTTLIEB JOECHER, in dem allgemeinen Gelehrten
Lexico Lipf. Tom. II. cl. 10 cc. l. Art. LESCHNERT. p. 2394

gienti. Humanis enim rebus, in ipso uirilis aetatis flore, quinque scilicet et triginta annos, et tres dies natus, ereptus est uir, de instituendis, atque erudiendis adolescentulis, ad maiorum instituta, * bene meritus, suisque, et omnibus bene animatis, eo tristius desiderium reliquit, quo memoratu dignior Eius adhuc obitus, tum ob singulares de divina prouidentia sermones, tum ob mentis praefagitationes uidetur. **

Mortuo patre, omnis matris uiducae cura in eo uersabatur, ut recte educarentur, Filii, et, salutaribus doctrinis ad uirtutis cultum, mature imbuerentur. Hi, pro
acta-

* A. Æ. C. clo b cxxcv. Prid. Id. April Dahmae publice proposuit Progr. ad exercitia Scholastica, quibus piam IESV Christi Crucifixi recoluit memoriam, nouemque orationibus celebrauit. Declamantium ultimus fuit filiulus septennis CHRISTIANVS ABRAHAMVS, qui auditoribus pro honorifica praesentia gratias egit.

** Prodiit libellus, qui inscribitur: Genealogische Tabellen der Reichischen Familie, ausgefertiget Ao. MDCCIX. ex hoc, quoniam in paucorum erit manibus, ea, quae diximus, uberius explicabimus. Ibr (ANNA CHRISTINA) erster Ehemann Herr Johann Jacob Leschnerr, Rector zu Dahme, mit welchen sie zehn Jahr eine friedliche vergnügte und gesegnete Ehe geführet, starb zu grossen Leydwesen nicht nur der Seinigen, sondern fast der ganzen Stadt, drey Tage nach seinen zurückgelegten 35 Jahre und also sehr frühzeitig. Bey dessen Tode viel merckwürdiges passirer ist, z. e, Er sagte die Stunde seines seeligen Endes des Tages vorher. Er führete sonderliche Reden von der Prouidentz Gottes, über arme Waysen, und bewies es an sein Exempel: Er mutmassete, daß er, wie auch geschehen, in ein delirium fallen würde, und legte dannhero bey noch voeltigen Verstande sein Glaubens Bekaentniß ab, und schloß mit diesen Worten: Wo ich aus Schwachheit anders reden würde, will ich hiermit voraus darwieder protestiret haben.

aetatis ratione, multa bonae indolis signa, et scholae Dahmen-
 mensis Praeceptoribus, et propinqua cognatione coniun-
 ctis, dabant, quorum deinceps hortatu mater, cum ulti-
 mos moribundi coniugis, de diuina, in parente orbos,
 prouidentia, sermones, diligentius secum esset recordata,
 altiori filios disciplinae, et quidem haud inuitos, destina-
 bat. Est profecto instinctus plane diuinus, quo rebus
 omnibus egentes, ad literarum studia, pleno gradu in-
 gredienda, incitantur. Perspiciunt certas, easque sum-
 mas, difficultates, quas aerummosa fors obiicit, nec ta-
 men deterrentur, sed in illo, qui certum egenorum est
 praesidium, spem ponentes omnem, arduum hoc opus
 suscipiunt, ac cuncta illis, bene ac feliciter solent euenire.
 Comprobant id suo exemplo LESCHNERTI, * et ex
 his, Ille in primis, cuius memoriam, grati ac pii, reco-
 limus, JOANNES GODOFREDVS. Hic cum, in lu-
 do patrio, primam ruditate, exemisset aetatem, Lyceum,
 iussu matris, adiit Luccauense. Duces, Praeceptoresque
 Hampusios, et Schildknechtios est nactus, ac, propter
 Musicae cognitionem, illis, qui certis modis ac numeris
 concinunt in choro, iunctus, fortunam suam ita tolerauit,
 ut paupertate magistra, recte obiret partes, cultumque
 tueretur. Hi praeclara literarum humaniorum notitia in-
 structi, atque adolescentiae, literis erudiendae, scientif-
 simi, illis. Eum Artibus, quibus iuuenilis aetas ad hu-
 manitatem solet informari, imbuerunt. Per quinque, et
 quod exeurrit, annos, Luccauiae in studiis humanitatis ac
 lite-

* M. CHRISTIANVS ABRAHAMVS natus Dahmae d. xxviii.
 Nouemb. A. cl^o l^o clxxvii. postea Francofurthi ad Viadrum,
 Philosophiae ac bonarum artium Doctor, obiit diem supre-
 mum A. cl^o l^o cc xxxiii. mense Septembr. Et JOANNES
 Jacobus n. A. cl^o l^o clxxxix. d. iv. Mart. ex uita migravit
 Collega in Scholae Dahmenfis A. cl^o l^o cckv. d. xxiv. April.

Literarum, conuictus publici beneficio, quod, in choro
 canentibus, ex legato CATHARINAE REISSIAE, tri-
 buitur, adiutus, diligenter etiam atque etiam est uersatus.
 Haec in nostro Lyceo, in Se collata beneficia grato nun-
 quam non animo est profecutus. Scimus enim illum
 HAMPUSII, uel, mutato nomine, CRUCIANI * Prae-
 ceptoris memoriam, quoties id ferebat occasio, bonis co-
 luisse recordationibus, eiusque doctrinam, fidem, indu-
 striamque, publicis identidem, priuatisque, laudibus ex-
 tulisse. Singulare hoc est specimen pietatis in magistrum,
 ac dignum, quod omnes, in artibus ingenuis uersantes
 imitari decet. Quo magis autem Is perspiciebat, esse li-
 teras humaniores solidum, idque unicum fundamentum,
 quibus totum eruditionis aedificium recte superstruitur, eo
 B di-

* Non indignum uideretur, hoc loco, B. L. pace, commemo-
 rare, cur hic Cel. Vir HAMPUSII (cuius neptes adhuc
 LUBENAE florent,) nomen mutarit, et CRUCIANI sibi
 indiderit. Huius ipse mutationis causam attulit in libro,
 qui inscribitur: *Epigrammata Sacro-Politica, quae funda-
 menti loco Genesin Mosaicam, non sine eiusdem illustratione,
 substernunt, societati humanae pro pietatis et ciuilitatis ad-
 iutorio accommodata, opera subcisua M. Christiani Cruciani*
 P. C. et t. t. S. L. R.

A cruce sum dictus, dictusque HAMPUSIUS ante,
 Namque scholae martyr sum CRUCIANVS homo.
 Aerae Christianae Anno clv lo c xxxi.

Hanc nominis mutationem defendit in libro;
 CHRISTIANUM ενομαστονείν das ist, unterschiedliche
 Nahmens Fragen, welche aus der Haupt Frage, ob ein
 Christ aus christgeziemenden Ursachen seinen Geschlechts
 Nahmen in einen christenstaendigen verwandeln koenne,
 beylaeufftig entsprungen, mit moeglichen Fleiss eroertert,
 und ausgefuehret von Christiano Cruciano Poet. Caes. et
 Lycei Luccani Rect. per XXXII. Annos. Duos hos libros
 MSCt. asseruat schola nostra.

diligentius animum ad eas applicauit, ne, immaturus Academiae Candidatus, sibi aliquando, et reipublicae, noceret. * Relicta itaque schola nostrate, Torgauiam se contulit, et non minori diligentia Cl. Magistrorum STEINBRECHERI, et FECKNONIS, scholas frequentauit, studiisque liberalibus, omni animi contentione, est operatus. Poeticae imprimis, ac graecae linguae, ad quam naturae quadam bonitate ferebatur, omnem nauauit operam. Cum itaque pares diligentiae, eosque haud uulgares, in elegantioribus literis, talibusque doctrinis, quibus ante excoli animos, et ad sapientiam concipiendam praeparari decet, fecisset progressus, et Praeceptorum consiliis, et sua sponte ac uoluntate, uirtutis, politiorisque humanitatis, amore inflammatus, nomen Academiae dedit.

Vitemberga, laetissimo scientiarum omnium flore illustris, atque ingeniorum praestantium altrix foecundissima, luueni, adulta, maturaque sulto ratione, maiorem campum, quo uirtus magis explicaretur, auspicato aperuit, idque anno isto faustissimo, quo alteram Seculare sacrum solemnem festoque ritu celebrauit, supra millesimum, septingentesimum secundo. Duris initiis, et iniqua utebatur conditione, sed alma mater, pro ea, qua in Musarum cultores, quandoque uti solet benignitate, quos bonae mentis soror, paupertas premit, illum respexit, annisque beneficiis, quibus Electorales Alumni perfruuntur, subleuauit. Est profecto in hoc luculentum diuinæ illius prouidentiae, quae literarum studiosis, inter tantas angustias, temporumque tot incommoda, subuenit, documentum, quod DEO curae esse, liberales artes ac scientias:

* Consule FRIED. NICOL. VLRICH, Progr. de immaturo Academiae Candidato et sibi et reipublicae literariae pernicioso Rudolpho. cl. 15 cc xxx.

tias non minus, quam uirtuti minime obstare ac officere
paupertatem, satis superque testatur. Haec diligentius per-
cipiant, et ea penitus animis, mentibusque, mandent,
quorum res est angusta domi, et qui spe magis, quam lu-
culentis subsidiis, labores solantur. Quo minus itaque, his
studiorum adiumentis subleuatus, cum sollicitudine, de
quotidiano uictu cogitare, habebat necesse, eo maiorem
ad literas politiores, reliquasque scientias, contulit dili-
gentiam. Si quisquam fuit unquam, memor officiorum,
quae studiorum causa beneficiis fruentes, debent praestare,
ut scilicet, utilissimis doctrinis, ad sacrorum, reique pu-
blica, utilitatem, animum imbuant, uitamque agant,
moribus honestis, decoram, * hic profecto is fuit. Adiit,
quos, ea aetate, uidit Leucorea celeberrimos doctores,
et primo quidem artium, ac disciplinarum, Professores,
FISCHBECKIOS, BERGEROS, SCHROEEROS,
ROEHRENSEOS, et SCHURZFLEISCHIOS. Ea
Philosophia animi cultura, haec praeparat, CICERONIS
utor uerbis, animos ad fatus accipiendos, eaque mandat
his, et, ut ita dicam, ferit, quae adulta, fructus uberri-
mos, ferant. ** Summa itaque assiduitate, et diligentia,
omnes Philosophiae partes attigit Noster, probe perpen-
dens, totam illam frugiferam esse, et fructuosam.

In hac autem Philosophorum disciplina uersans, mi-
nime literas, quas humaniores uocamus, neglexit, in
quibus consilium et sententiam SCHURZFLEISCHII et
BERGERI, qui magnum nomen in oratoribus habuerunt,

B 2

est

* Confer, si placet, Praeceptoris nostri pie colendi, Philoso-
phi illius Lipsiensis, JO. FRIED. MAII Progr. de officiis
eorum, qui studiorum causa; beneficiis fruuntur Lipsiae
cl. b. cclii.

** Cicer. Tuscul. Quaest. Lib. II. c. V.

est secutus. Horum uberrimis ex fontibus riuos, in hortulos suos, deduxit, hausitque genus dicendi bonum atque ornatum.

Diu in obscuro uirtus, et assidua diligentia, nunquam latet, sed, ut publica industriae edat specimina, in eo elaborat. Idem fecit Noster, et ex disciplinis, a quibus recta et publica uitae instituta proficiscuntur, disputationem, non sine applausu, defendit, *de legis naturae indispensabilitate* IV. Non. Mai. A. O. R. cl. b. ccv. arbitro certaminis, M. HENRICO GOTTLIEB SCHNEIDERO *

Sacrarum literarum notitia a Doctoribus Theologis, de coetu puriore immortaliter meritis, HANNECKENIIS, LOESCHERIS, NEUMANNIS, WERNSDORFFIIS imbutus est, quorum commentationes pronis auribus, promptoque animo, excepit.

Summis deinde, in Philosophia, honoribus, operam dedit. Solent, maiora spectantes, et ad ea, rectis studiis, contententes, praemia, a prudentibus, constituta, minime aspernari, sed modeste potius eadem petere, iisque sapienter uti. Honor enim artes alit liberales, ac efficit, ut literarum studia, assiduis cultoribus, maxime fructuosa existant. Sic nec diurnus, nocturnusque, Nostri, labor promeritis caruit praemiis. Dignum enim illum In-clytus sapientum ordo habuit, quem laurea Philosophica, sapientia uenali, ornaret. Hic honor in illum a Senatus Philosophici Praefide, CHRISTIANO ROEHRENSEO, PHI-

* Vidit hunc, Luccaui nostra, Doctorem Theologum, recti exempli emendationisque disciplinae Pastorem Primar, et Lycei Inspectorem.

Philos. Practic. Prof. Publico, et Vnumnorum Electoralium
Ephoro, Prid. Kalend. Maias A. R. S. cl. lo ccv. solemniter
ritu, ac formula, est collatus. Ingenuarum artium magister
creatus, quantum animo potuit contendere, tantum
efficere studuit, ut digna, et hoc honore, et Amplissimi
ordinis expectatione, efficeret. Insidet enim, CICERONE
teste, quaedam in optimo quoque uirtus, quae noctes
et dies animum, gloriae stimulis, concitat. Feliciter hoc
cessit Nostro, laudatissimoque, ad maiora emittendi, con-
nato, studioque, omnium beneuolentiam, est promeritus.
Dissertatione itaque Hypomnematica ANON Praeside JO-
GUILIELMO BERGERO Poet. Prof. Publ. A. D. III. Non-
Maias A. cl. lo ccv. edisseruit, et hac ratione Illustrem
hunc uirum, non tractandarum modo humaniorum litera-
rum ducem, sed etiam testem habuit atque applausorem.

Quum igitur in artium studiis liberalissimis diu esset
uersatus, eximiasque, doctrinae, opes collegisset, sapien-
ti cogitauit ratione, quemadmodum eas, in iuuentutis,
studiis doctrinisque deditae, commodum exprimeret, in-
geniique uires experiretur. Id semper diligentiae, uigilia-
rum, laborumque praemium est habitum, si quis, altio-
rem docentium locum conscendendi ius accepit, potesta-
temque, ut doctrinae, scientiarumque, lumen alijs possit
praeferre. Conscendit Noster cathedram, ipse Praeses,
Academicam, diuulgata dissertatione, Prid. Id. April.
A. O. R. cl. lo ccx. *de lotione manuum innocentiae signo, occa-
sione facti Pilati* Matth. c. XXVII. comm. 24. quam sub eius
praesidio defendit HENRICUS GOTTLIEB WAGNER.
Aperuit etiam, omnibus fati probatus, scholas et philo-
sophicas et Philologicas, doctorisque publici, ita perfum-
ctus est, munere, ut uel magni nunc nominis uiri, ad la-
tus eius, in praelectionibus Academicis confedisset, magnae
sibi

fibi laudi ducant, Illiusque institutioni se multum debere, aperte et ingenuè confiteantur. Hoc modo operae Eius, otiique, rationes publice constabant, ingeniumque Eius, in docenda, et erudienda, iuuentute, non minus, quam in disputando elucebat, qua de causa locum, industria sua et assiduitate dignum, in sapientum ordine, est affecutus.

Neque ita multo post Venerando Theologorum ordini, quantos in illorum scholis, in rebus sacris, fecerit progressus, in examine, publice instituto, est testatus, et, cunctis suffragiis, in numerum Theologiae Candidatorum est relatus. Hanc S. S. Theologiae Candidati dignitatem, quanta studuerit industria tueri, declarat Inculentum, quod sua industria conscripsit, doctrinae specimen, in quo, Praefide **GOTTLIEB WERNSDORFFIO**, Doctore Theologo et p. p. *Ius Magistratus circa uocationem ministrorum Ecclesiae* a. d. XIV. Kal. Febr. clb lō cc xv. defendit.

Praeclare oratorum princeps, in oratore, inquit, profecto inest omnis Philosophorum scientia. Haec, cum noster optime sciret, tum denique, posteaquam principum Philosophorum percepta habuit praecepta, in publicum prodiit, ac, se **SCHURZFLEISCHIANAE** disciplinae alumnum, omnibus ijs artibus, quae libero homine sunt dignae, perpolitum, demonstrauit. Funebrem habuit laudationem in exsequiis M. Georgi Friederici Thyllitii Rhoda-Misnici XVI. Kal. Mai. clb lō ccxv. quae, cura et uigiliis elaborata, typis est exscripta. Prodiit non ita multo post, et memoriam Friederici Principis Saxonis, Herois uirtutum, rerumque gestarum gloria immortalis, Dahmae A. D. XVI. Kal. Maias A. R. G. clb lō ccxv. bene beateque defuncti, in publica Panegyri Vitembergae Saxonum, in templo arcis, ipso die solemniū, Dahmae

in-

institutorum, pie religioſeque proſectus eſt. Non tranſeunda laus eſt, quam Noſtro tribuit ſcriptum, publica, propoſitum, auctoritate: Vir Clariffimus JOANNES GODOFREDUS LESCHNERTUS Dahma Saxo, liberalium Artium Magiſter, loci, quem, in ſapientum ordine adſcriptus uirtute, doctrina, induſtria, tenet, honore digniſſimus, ac nobis, ob morum grauitatem, ſedatum uiuendi genus, honeſtiſſimum, de iuuentute Academica, bene merendi, ſtudium, ſcientiam, in uario, exquisitoque doctrinarum genere, ſpectatam, maiorem in modum, commendatus. Hic enim pietate atque admiratione, qua proſperam fortiſſimi quondam ſapientiſſimique principis memoriam proſequitur, ductus, ornamenta, quibus excelluit, Ille ſolemni atque eleganti oratione enarrabit, quantumque ſit acerbiffimo eiudem obitu amiſſum, grauitate ornatęque explicabit. Viremb. VII. Kal. Quinctil. A. R. G. clo lo ccxv. Haec Oratio Panegyrica, Sereniſſimae Viduae, Aemiliae Agneti dedicata, ob elegans politumque dicendi genus, quo Ille eſt uſus, lectu eſt digniſſima.

Anno, qui illum proxime inſecutus eſt, ſexto et decimo, Ei contigit, ut ab inſtyto ſapientum ordine Philoſophorum Praeſes, qui Decanus eſt, rite crearetur. Summis hiſ ordinis ſui honoribus ornatus, licet multis negotijs eſſet implicatus, labore tamen aſſiduo, et quotidiano, aſſuetus, edidit diſſertationem: *De baptiſmate Vicario Marcionitarum Contra GODOFREDVM ARNOLDVM*, quam Reſpond. M. JO. Gottlieb Stich Kirchhayn-Luſatus defendit IV. Non. Octobr. Ad Philoſophiae, et Poeticeſ, laureaſ rite expetendas, Candidatos bene merentes, pro ea, qua pollebat, auctoritate, inuitauit, ſcripto publice propoſito: *De Decanis coeleſtibus Aſtologorum*. Hoc factu die XVII. Octobr. eiudem anni, ſumma honorum praemia

diſtri-

distribuit, ac, bonarum artium doctorum, renunciatione suam non minus, quam ordinis sapientum dignitatem, amplificauit.

Annus ille, quem, ob restaurata sacra, coetus purior, seculari, ac religiosa, celebrauit, solemnitate, et indefessae eius diligentiae, et diuinae prouidentiae, quae uirtutibus, et doctrinae, praemia et honores largitur, est testis. A Serenissimo enim Principe Saxone, FRIDERICO, Professoris prouincia, in illustri Gymnasio Gothano, est ornatus, quam non praepostera praesentatione, sed, studio ac commendatione uirorum, optime de Leschnertianis, in iuuentutem Academicam, publicamque literariam rem, meritis, existimantium, est nactus. Ex multis diebus quos is in uita celeberrimos laetissimosque uiderat, hic clarissimus erat, quo ille honos, illud uirtutis, ac lucubrationum, praemium, Ei est delatum. Inuenit, munus hoc capefens, GODOFREDUM VOCKERODTUM, illustris Gymnasij Gothani Rectorem, Virum nomine et memoria dignum, uirtutum suarum, et eruditionis, praeconem; quae profecto laus ipsi eo esse poterat iucundior, quod a viro, qui ipse in laude uiuebat, proficiscebatur. Non possum mihi temperare, quin ex scripto, * eo tempore, publice, Gothae, proposito, laudes, Notaro tributas, repetam:

Professoris nomine et honore

Ornate Primae classis cathedram iussus est

Per tria lustra, et quod excedit, in Academiis praeparatus ac discendo docendoque habilis redditus ad sustinendum cum discantium fructu non minus quam applausu munus Doctoris scholastici

Vir Clarissimus atque Amplissimus

JOANNES GODOFEDVS LESCHNETVS

Dahmenfis Saxo

PHILOSOPHICI ORDINIS spectatus in gradibus omnibus Probatusque documento publico SS. Theologiae

CANDIDATVS

nuuc autem iubetur esse

CLAS.

* Inscríbítur illud: Restituta et renouata sub serenissimi Patris Patriae Natalem Illustris Gymnasij Gothani auspicia P. P. Gothae VIII. Augusti cl3 lo cccxvii.

CLASSIS SELECTAE PROFESSOR.

Orationem solemnem, primordii, auspiciato capiendi, causa, more institutoque maiorum, IX. Augusti A. O. R. cl. b. ccxvii. habuit, in qua, a Serenissimis Saxonice ducibus, profecta in rem literariam, et Gothanam, pietatis et literarum officinam, beneficia praedicauit.

Init hoc facto munus, a Deo, et Principe, assignatum, et quo maiorem in illo, et laudis, et laboris, materiam inueniebat, eo erat cupidior, ut famam, quam honestis laboribus, uigiliisque, sibi in Academia, comparauerat, augetet, ac eo magis, de omni liberali doctrina, mereretur. Hoc eo facilius poterat perficere, quo diuturniore consuetudine ad laboris maximos, non sine coelesti aliquo mentis instinctu, concitabatur, ut fidem amoremque DEO, ac iuuentuti operam abunde testaretur. Consignantur atque publicantur, iussu Serenissimi NUTRITORIS Lectionum, atque exercitationum, publicarum, priuatarumque Catalagi in Illustri Gymnasio Gothano. Hi pralectionum, et publica lege ordinarum, et priuatarum, quotidie ab Illo habitarum, testes sunt locupletes aequae, ac religiosae. Nihil itaque commemorabimus, de eius assiduitate in tradendis linguarum, et Graecae, et Latinae, elegantiss, ad puriorem castioremque scribendi dicendique rationem facientibus, nec de euidencia, qua uarios orientis thesauros suos proposuit Nihil in medium proferemus, de iucunda multarum rerum uarietate, qua historias, ex rerum gestarum monumentis hausit, suis exposuit, ac illud praecipue, quod in cognitione rerum est salubre ac frugiferum monstrauit. Nihil edisseremus, illum, toto tempore, Eloquentiae, tam solutae, quam ligatae, partes ita explicuisse, ut formare orationem, eamque uariare, et quasi quibusdam uerborum sententiarumque insignibus distinguere auditoribus, praeccepta traderet facilliora. Nihil denique afferemus, de fide et perspicuitate, qua omnes philosophiae partes non explicauit modo, sed crebrius etiam illud differendi exercitium, de doctis rebus, quod maxime ad acuenda iuuenum ingenia est aptum, instituit, ut opportunius illorum commodis atque utilitati seruiret. His autem praecceptis imbutos, quod omnium est maximum, suo exemplo, confirmauit. Hoc, si quid aliud, hoc est non tam de adolescentibus, de quibus bene

speramus, quam de ipso genere humano, cui omnis felicitas, ex diligentiori literarum cultura accedit, bene promereri.

Subinde, cum muneris ratio exigeret, Programmata edidit, orationesque et carmina publice recitauit. Tua, L. B. pace, ea, quae in manibus habemus commemorabimus, eum in finem, ut nostri, Leschnertiana, in literariam rem, merita, eo dilucidius perspiciant, ac pie uenerentur.

In obitum Cel. GODOFREDI VOCKERODTI, Illustr. Gymnasii Gothani Reſtoris, cuius supra fecimus mentionem, Programma funebre scripsit A. O. R. cl. b. ccxxvii.

Laudationem funebrem in excessum Perillustriſ Domini GEORGII ERNESTI de ZEHMEN, Serenissimi principis Srxo-Gothani ſupremi Aulae Mareſchalli, redituum in principatu Altenburgenſi prouincialium Directoris &c. edidit, quae ſummus ille in toga Heros cum *Catone minore* conſertur, et, ut iuſta faciant, Maecenati, Scholarchaeque ſuo Ill. Gymnasii Gothani ciues admonentur.

Eodem Anno in Natalem Serenissimi Ducis FRIDERICI II, uacante Reſtoratu Programma edidit de FRIDERICI Sapientis Saxon. binis Apophthegmatibus.

In Panegyri ob auſpicatiſſimum connubium Serenissimi FRIDERICI, tum principis heredis, iam Ducis Regentis, cum LUDOVICA DOROTHEA d. XVII. Septembr. A. R. G. cl. b. ccxxix in Ill. Gymnasio Gothano pie ac religioſe celebrata, *ritum illum praeferendi taedas in pompa nuptiali*, carmine latino Heroico decantauit, acclamationibusque uotiuſ profecutus eſt tanti ſplendoris ſolemnia.

Secularem intemeratae Auguſtanae conſeſſionis natalem ſolemni ritu XXVIII. Jun. A. cl. b. ccxxx celebrauit, orationemque habuit, de pia et religioſa Joannis Conſtantis prudentia in negotio exhibitae conſeſſionis formulae.

Natalem feliciffimum Serenissimi Principis FRIDERICI III rite celebraturus fauſta et felicia omnia ex auſpicatiſſimo die natali Serenissimi Principis haeredis FRIDERICI III. Ducis Saxo-Gothani d. XX. Jan. H. A. nati coram illuſtri Panegyri in Gymna-

mnasio Gothano D. V. Maii A. O. R. clb lō cc xxxv ex prompta memoria decantauit.

A. clb lō cc xxx cum Typographorum laude dignis Germanicorum certaretur studiis, artis suae, a maioribus ingeniose non minus, quam feliciter iuuentae, tertium, solemni ritu, seculari celebrandi natalem, eum carmine Graeco, in sylloge Reyheriana exscripto, celebrauit.

Non dubito, fore nonnullos, qui, libros ab hoc magnae doctrinae, multaeque lectionis, nec minoris existimationis, Viro non esse editos, mirentur, his, non meis utens, sed Cel. THEOPHILI GRABENERI, Illustris Afranei quondam Rectoris, uerbis, respondeo. Ille, *Caput*, inquit, *officiorum pro eo, ac possit, solerter sustinere. Quod dum facit, dumque publice ac priuatim, insituendis et exercitandis adolescentium ingeniiis, limandis poliendisque scripturis, consilio et opera adest, effluit dies alienis, externisque laboribus haud suffecturo, idque unum manet umbratilis studii solatium, rectius consuli reipublicae, si uiuas, spirantesque bibliothecas, qualis Longinus fuit, instruamus, quam si mutas expertesque uitae, scriptis aliquot, nec placituris forte, libris augeamus.* * Idem Noster, laudandum in modum perpendit. Omnes enim bene animati, ac aequi rerum existimatores testantur, illum in eo semper elaborasse, ut inter muneris se, quod respublica imposuerat, limites contineret, et nullum non tempus literis ac iuuentuti daret studiosae.

Continuata laborum fide, indefessaque diligentia, se nunquam remittens, consenuit in Illustri Gymnasio Gothano. Per triginta enim annos, Iuuentutem, iis artibus, quae, ad politiore humanitatem, spectare uidentur, erudiuit, tantaque fide atque industria istam exornauit prouinciam, ut multa praecleara ingenia, Eius quasi manu facta, amplissimis perfungantur honoribus, et hunc sibi principem et ad suscipiendam et ad ingrediendam studiorum rationem, grata pietate, profiteantur. Me-

C 2

ren-

* Haec Praeceptor noster, post fata uenerandus, in erudita Praefatione, quam praemisit Joannis Barclaii Iconi Animorum Lipsi. clb lō ccxxxiii.

rentur profecto scholarum Doctores, bene de literis, bene de genere humano promeriti, tanto maiorem laudem, quo insigniora ex magnis illorum, ac saepius molestis, laboribus, quos quotidie exantlent, est necesse, in rem publicam, commoda redundant. Idem nostro feliciter euenit. Commemorarem summa Serenissimi atque Indulgentissimi Principis Saxo-Gothani beneficia, quae apud illum bene sunt posita, Historiographique Saxonici Gothani honores, quibus Dominus Clementissimus, senio uenerabilem, uoluit ornatum, nisi uel ipsum Eius monumentum id religiosissime testaretur. Hoc autem mihi sumo, ut pro salute optimi maximique Principis FRIDERICI, pro incolumitate totius Domus Saxo-Gothanae, tot tantisque, in omnem rem literariam, meritis inclutae, DEVM comprecer, ac uota nuncupem ardentissima.

Redeo ad Nostrum. Hic cum modum teneret in cibo, et potu, haud quidem morbis fuit tentatus, ex multis autem laboribus, uigiliisque, corpus debilitarat. Sensit itaque languorem senectutis communem, et accedente, tandem, morbo acriori, subsidiis, quae sacra Christiana, pietas, ac fides in humanae salutis statorem, maxime ad bene beateque moriendum suppeditant, munitus, uitam, in literariis laboribus, occupatissimam, posuit XI. Kalendas Decembris, Anno supra millesimum Septingentesimum Septimo et quadragesimo, ac cum meliore, et sempiterna, commutauit.

Vixit LESCHNERTVS annos sex et sexaginta, et sic Se-
gessit, ut omnem uitae cursum in labore corporis, atque in ani-
mi, conficeret, contentione. Semper summum illud Numerum
religiose est ueneratus, et prout, studiorum suorum ratione,
rerum coelestium intelligentiam profitebatur, ita pari sanctimo-
nia, emendatorique disciplina, illam exprimere uita studebat.
Coluit summa ueneratione Principes Serenissimos. Fuit singu-
laris Eius in matrem uiduam, quoad uixit, pietas. Scimus enim
illum, suis, aliorumque, auxiliis, destitutam non deseruisse, sed
singulis fere annis expectatissimo suo aduentu, alloquioque recreasse,
ac insuper, id quod maximum est, decrepitam largioribus dapibus
et ministerio refecisse. * Amicis, praesca in primis fidei diligens,

subenti, officia, animo praestitit, nullamque, de singulis bene promerendi, ex manibus, dimisit occasionem. Erat a factu et arrogantia alienissimus, cultuique corporis tam deditus, quam illi solent, qui, uirtutem laboremque uoluptatibus anteponunt et se ad altiora esse natos, probe expendunt. Erat, ut multa paucis complectar, summae integritatis.

Quietum illud, et solitarium, uitae genus, maxime in deliciis habuit, quo, liberiori animo, sibi tantum, suisque Musis, uiuere posset. Id enim sedulo cauit, ne crebrioribus se amicorum daret salutationibus, ac, hoc modo aliquid, quod ad requiem ex laboribus conceditur, temporis, studiis suis subtraheretur. Ea uiuendi ratio, humaniorum, studiis, litterarum deditis, nullo non tempore, fuit propria, quippe qui istam solitudinem, in qua quis minime est solus, cum est solus, iis, qui uulgo sunt, congressibus anteposuerunt. In eruditorum autem societate, colloctionibusque, singulari praeditus modestia, pauci, quod sapientis semper est habitum, erat sermonis. In primis autem LUDWIGII, CYPRIANI, LOEWII, Theologorum Gothanorum, de sacris, et re publica literaria immortaliter meritorum, perhonorifica consuetudine est usus, quorum primi, Patroni, Hospitisque sui, obitum ode, luxit, parentali. **

Matrimonij quidem legibus uitam non circumscripsit, coelibatus praecoptans tranquillitatem, stirps tamen illi deesse non poruit. Tot enim filios quotidie et uidit, et amore, uere paterno, est complexus, quot scholas Eius frequentarunt. Imitatus est in hac coelibae uita tuenda, non multos solum, magni nominis, scholarum Magistros, sed illos etiam, qui posteritatem suam, in libris superfuturam, existimarunt, uirtutisque famam, ac meritorem memoriam, apud omnes duraturam. ***

C 3

Nun-

* Vid. Epist. consolationis gratia ad B. Leschnertum data Gothae cl. b. ccxv. mense Decembri.

** Gothae Prid. Non. Januar. A. O. R. cl. b. cc. xxxiii. Comparat haec Summum hunc uirum cum Joanne Chryostomo.

*** Confer. de his, si placet, Irenaei Carpenterii *eruditorum coelibum centuria singularia* Vitemb. A. cl. b. cc. xiv.

Nunquam satis laudando instituto in Bibliothecam, quae, usibus Scholasticis, esset accommodata, omnem sumtum impendit, et quicquid, multis partum laboribus, suum defraudans genium, unquam comparferat, insumit ac profudit in libros. Histotus immerfus, omne tempus, omneque studium, eo contulit, ut illa colligeret, quae, iuuentutis studiis, posset prodesse. Non enim, quod multi solent, ad ostentationem, sed ad perdiscendas artes, ac perpoliendas, illis est usus, qua de causa non in scientiarum cortice haesit, sed in medullam, nulla non suauitate plenam, penetrauit. Haec est illa Bibliotheca, cuius succo, tanquam quodam doctrinae pabulo, sua semper studia aluit, illaque ita est delectatus, ut prospiciendum, ac cauendum, constitueret, ne post obitum suum, distraheretur, sed potius, usibus publicis, destinaretur.

Accidit Huic, quod, iuxta TULLIUM, *nemini non, liberaliter educato, ut Ei locus ille mutus, ubi Ipse altus, atque doctus est, cum grata recordatione in mente uerfaretur. Sua itaque sponte, Luccaiensem, quae prima, aetatem Eius iuuenilem, artibus ingenuis instruxit, et, ut supra iam commemorauimus, aluit, scholam respexit, almaeque huic matri amores suos, ac unicas uitae delicias, legauit. His autem uerbis ultimae uoluntatis sanctitatem est testatus:

Meine Bibliothec, so ich über 2000 Thaler
schaeze, vermache ich der Schulen zu Luckau
in der Nieder Laufiz.

Res quidem post obitum VIRI huius, immortaliter de Schola nostra meriti, multum difficultatis habuit, et laboris; sed DEI immortalis, cuius siue Numine nihil humanarum rerum geritur, prouidentia, SANCTIORISQUE, qui Lubenae est, SENATUS studio et auctoritate, ac Scholae huius PATRONORUM, AMPLISSIMI, nempe, SENATUS Luccaiensis cura, iste rei librariae thesaurus, Luccaiam est translatus. Nunc PATRONI, quos pie colimus, omnem adhibent diligentiam, ut con-

fectis

* Cicer. Orat. pro Plancio c. 33.

fectis, in aede sacra primaria, forulis, usibus publicis, quod felix sit, faustum ac salutare scholae nostrae, possit dedicari.

Habet igitur, quod, in pio ac liberali animo, B. LESCHNERTI, admiretur Luccaui. Schola habet, quod summis efferat laudibus. Praedicamus iure ac merito insignem hanc bonitatem, et illa, quamdiu nostrorum hominum genus erit, quamdiu haec stabit pietatis, ac bonarum artium, officina, praedicabitur, amplissimisque consecrabitur monumentis.

Adiicienda nunc essent, maiorum more Elogia, quibus Noster a summis Viris est ornatus. Longum foret, ea transcribere, nec paginae angustia permetteret. Postulat autem pietas, ut Elogium funebre ab Ill. Gothani Gymnasii Rectore, illustri laude celebrato, JO. HENR. STUSS, memoriae B. LESCHNERTI, totius Collegii Nomine, consecratum, repetam. Continet enim illud, non cuncta solum, quae hactenus commemoravi, breuiterque, et uelut in conspectu, exhibet, sed etiam Nostrium, cum COLLEGIS Praenobilissimis ac Praeclarissimis, quae non ultima laus est, pro fortis necessitudine uixisse, amoremque sibi ab omnibus conciliaisse, testatur. Hoc autem cultissimo carmine, iusta, Ei fecit, Vir Celeberrimus:

Ille excitatus atque strenuus quondam
Primis ab annis, parua quem tulit Dahma,
Ille acer usque miles in Camenarum,
Latium omne priscum, Graeciamque et Hebraeae
Remota gentis peruagantibus castris:
Ille aeternatus, amplius tribus lustris,
Leucoreos almae, Principumque magnorum
Donis adauctus, praemiisque uirtutis
Ardentioris haud parum enitens ciuis:
Felix alumnus ille et aemulus laudis
BERGERIANÆ, amoenioris in campo
Humanitatis: et, Sionis in circo,
WERNSDORFIANÆ; in illa et arce Musarum
Inter docentes scriptus, et locum exornans

quon-

Quondam ore prompto, et elegantibus chartis
Varia refertis abditaque doctrina:
Suo ille fato, et inde lustra sex lapsa,
Delatus hancce in artium eruditarum
Claram palaestram, culta quam fouet Gothia,
Probeque lenta exercitatus in lucta,
Socia nec unquam recreatus, aut prole;
Tandem labore, quo iuuenta formanda,
Illudque saxum Sisyphi usque uoluendum,
Fastidiorum saepe pleno, et irarum,
Fractus, fatiscens, atque anhelus exsolui,
LESCHNERTUS, ecce missione iam gaudet,
Plena, beata, athleta ceu coronatus!

Ergo coronam gratulemur athletae,
Palmamque, nunc feliciter reportatam,
Post absolutum strenuum illud in castris
Mularum ad aequae, ac **OPTIMI REDEMPTORIS**
Certamen, atque cursum ad astra confectum,
Per asperas tot urbis huius aerumnas;
Meritasque laudes diligentia docta,
Fida, tot annis publice salutari,
Victura in ore famae, et omnium illorum,
Quos perpoliuit elegante doctrina,
Bene grata mens memorque queis magistrorum
Manet, sonante uoce concelebremus!

Idem nunc perfoluemus officium. Venio enim ad
eos, qui diuini Numinis, Lyceum nostrum singulari cura
complectentis, prouidentiam uenerabuntur, immortalia-
que B Leschnerti merita, religioso, ac grato, animo ce-
lebrabunt. Non hoc quidem sibi sumunt, ut eloquen-
tiae, pietatis tamen, ut mereantur laudem operam dabunt.
Su-

Suscipient illud Juuenes, egregiis animi dotibus, ornati,
et non vulgaris spei, atque expectationis.

IO. GOTTLOB HERRMANNUS

NEUDECCA-SAXO

*Varias perennis famae causas explicabit, Patronorum-
que benevolentiam dicturis conciliabit*

CHRISTIANUS ADOLPHUS LICHEMANNUS

LUCAUIENSIS

Adoleuit in Lyceo nostro, et bene quidem adole-
uit. Hic prout ingenii felicitate floret, ita ingenuae, et
liberalis, doctrinae rectam uiam feliciter ingressus est, ac
continuato diligentiae curriculo, in linguis Latina, Graeca
et Hebraica, nec non Gallica, optime profecit. Poeti-
cam, ad quam natus uidetur, diligenter exercuit, ac in
ista publica dedit specimina, aliisque, quae in scholis hau-
riuntur, artibus, uacauit. Speramus itaque, fore, ut
diligentiae fructum, aliquando consequatur, amplissimum.
Faxit Deus immortalis, ut Maxime Reuerendo Parenti,
Lycei nostri Inspectori Grauiissimo, diutissime incolami,
omnis ea laetandi materia enascatur, quae ex incolumita-
te liberorum, qui cum uirtute fortunam adaequant, ad
optimos Parentes, solet redundare. Decantabit carmine
Heroico Latino laudes B. LESCHNERTI, praemissa ora-
tione Graeca, *de elogiis inuentoribus*, Teutonico autem
carmine Patronis ac Praeceptoribus uale ultimum dicet.

ADOLPHUS GODOFREDUS FLECKIUS

SCHLIEBENA-SAXO

D

Par-

Partibus suis dextre, atque ex re sua, perfunctus est in Lyceo nostro. Hebraicae, Graecae, et Latinae linguae, Poeseos, aliarumque, ad quas schola recludit aditus, scientiarum, haud spernenda posuit fundamenta, nec non Gallicae, feliciter, linguae studuit. Hic semper probi, modesti, ac diligentis, discipuli laudem promeruit. Precamur DEVM, ut auspicato, scholasticorum studiorum curriculo pedem efferat, et ad ueram eruditionem, recto itinere, contendat. Ultimi speciminis loco dicet oratione latina soluta *de non nullis, qui Bibliothecas suas, usibus publicis scholasticis, dicarunt, et nominis commemorationem, cum omni posteritate, adaequarunt.* Patronis ac Praeceptoribus, pium ac gratum animum, carmine Germanico, testabitur

JO. GUILIELMUS DRABITIUS

CALOUIA - LUSATUS

Oratione Latina soluta planum faciet illud Frontini dictum: MEMORIA NOSTRA DVRABIT, SI VITA MERULMUS.

CAROLUS GOTTLIEB ROTARIUS

DOLAENICIO - LUSATUS

Recitabit carmen germanicum, argumentisque confirmabit, *beneficos aeternam sui memoriam mereri.* Abituris autem nostro, et totius scholae, nomine, faustos felicesque rerum successus, prolixè precabitur, illosque sinceris uotis, carmine germanico, prosequetur,

CHRISTIANUS AUGUSTUS MICHAEL HERRMANN

NEUDECCA - SAXO

Acce-

Accedite itaque PATRONI, ac literarum FAU-
TORES, pie obseruanterque colendi, crastina luce H.
L. Q. C. ac diuinam illam, in Lyceum hoc, religiosa
mente, prouidentiam concelebrate, B. LESCHNERTI,
immortaliter de nobis meriti, nomen aeternitati mandate,
ac, pro huius scholae salute, atque incrementis, ritu
uota nobiscum facite, solemniori. Accedite, quaeso, ut
VOBIS pro nouo hoc beneficio, amplissimis uerbis, de-
bitas, easque maximas, gratias agere possimus. Hoc
VOS, more nostro, enixe ac perofficiose rogamus. P.P.
Luccaniae Prid. Id. Februar. A. R. G. clo lo cc lvi.



7c 3625 OK

ULB Halle


3

005 388 007



7c





Q.K. 254.

IV, 401

ELOGIVM
M. JOANNIS GODOFREDI
LESCHNERTI

HISTORIOGRAPHI QVONDAM SAXO-GOTHANI, AT-
QVE PROFESSORIS EIVSDEM GYMNASII CLARISSIMI BIBLIOTHECA
SVA POST VITAM SVPERSTITUTE
SCHOLAM LVCCAVIENSEM

EGREGIE ORNANTIS
PVBLICE PROPONIT

ET
PATRONOS AC LITERARVM FAVTORES

AD ORATIONES

EIVS
MEMORIAE SACRAS

Ips. Idib. Februar.

A. O. R. clb l^o cc lvi.

BENEVOLE AVDIENDAS

DEMISSE AC PEROFFICIOSE INVITAT

GOTTLOB HENRICVS SCHMERBAVCH R.

LVB BENAE
TYPIS JOHANNIS MICHAELIS DRIMELII.



B.I.G.

Farbkarte #13

Black

3/Color

White

Magenta

Red

Yellow

Green

Cyan

Blue

Inches

Centimetres